



REPUBLIKA E SHQIPËRISË
UNIVERSITETI I SPORTEVE TË TIRANËS

RREGULLORE
MBI KRYERJEN
E PRAKTIKËS MËSIMORE



KREU I DISPOZITA TË PËRGJITHSHME

Neni 1 Baza ligjore

Kjo rregullore mbështetet në Ligjin Nr. 80/2015, datë 05.10.2015, "Për arsimin e Lartë dhe Kërkimin Shkencor në Institucionet e Arsimit të Lartë në Republikën e Shqipërisë", në Statutin e Universitetit të Sporteve të Tiranës (UST), në Rregulloren e Përgjithshme të UST.

Neni 2 Objekti i Rregullores

Objekti i kësaj rregulloreje është përcaktimi i kriterëve dhe procedurave për kryerjen e Praktikës mësimore (këtu Praktikë) nga studentët e UST-së.

Neni 3 Qëllimi i Praktikës

Praktika synon përvetësimin efektiv të njohurive teknike, praktike dhe etike të profesionit, mënyrat e së cilës përcaktohen nga institucioni prites ku kryhet praktika (më tej shkurt Institucioni), me propozimin dhe bashkëpunimin e Pedagogut udhëheqës.

KREU II ORGANIZMI DHE DREJTIMI I PRAKTIKËS

Neni 4 Fusha e zbatimit

1. Kur Praktika parashikohet si pjesë e planeve mësimore dhe ka një numur të caktuar kreditesh, studentët e kanë të detyrueshme pjesëmarrjen dhe kryerjen e plotë të saj.
2. Praktikrat zhvillohen në Institucione sipas profilit të përgatitjes së studentit nën drejtimin e Mentorit Profesional të caktuar nga institucioni prites dhe të Pedagogut të caktuar nga Departamenti për ndjekjen e ecurisë së praktikës nga ana e studentëve.
3. UST ka detyrimin të sigurojë zhvillimin e Praktikës për studentët e tij.
4. Institucioni i kryerjes së Praktikës zgjidhet, propozohet dhe caktohet nga Departamenti. Institucioni prites, (kur ka mundësi) mund të propozohet edhe nga vetë studenti, në konsultim e aprovim të Departamentit. Në këtë rast studenti paraqet në Departament një kërkesë nga ana e Institucionit, ku prezantohet shprehja e gatishmërisë për të marrë përsipër ndjekjen dhe zhvillimin e Praktikës së studentit/studentëve pranë tyre, përfshirë edhe caktimin e Mentorit Profesional dhe respektimin e plotësimin e gjithë dokumentave përkatëse në lidhje me kryerjen e praktikës nga ana e studentëve të UST-së.



Departamenti pasi shqyrton kërkesën e më sipërme dhe e vlerëson atë, jep aprovimin tij, në caktimin e studentit për të kryer praktikën pranë Institucionit të propozuar mbi bazën e një akt-marrëveshje të dyanëshme të lidhur me të.

Neni 5 **Detyrimet e studentit**

Studenti duhet:

1. të frekuentojë të gjitha orët e Praktikës.
2. të angazhohet në respektimin e zbatimit të rregulloreve të UST-së, rregullores së brendshme të Institucionit ku do të zhvillohet Praktika, të kodit të etikës së Institucionit përkatës si dhe rregullat e sigurimit në punë.
3. të ruaj konfidencialitetin e informacionit, si dhe të zbatojë e respektojë gjithë dispozitat e tjera ligjore dhe nënligjore në fuqi

Neni 6 **Procedura e Kryerjes së Praktikës**

1. Praktikën duhet ta zhvillojnë të gjithë studentët e regjistruar në vitin akademik ku parashikohet ajo, në bazë të Programit mësimor.
2. Praktika zhvillohet nën drejtimin e një Mentori Profesional, person fizik apo juridik që caktohet si udhëheqës nga Institucioni ku do të zhvillohet Praktika.
3. Gjatë kryerjes së Praktikës, Pedagogu i ngarkuar nga Departamenti përkatës për ndjekjen e ecurisë së praktikës, mban lidhje me Institucionin ku ajo kryhet dhe me Mentorin Profesional.
4. Gjatë kryerjes së Praktikës, Mentori Profesional përpilon Raportin e Vlerësimit përfundimtar si edhe Fletë-vlerësimin e praktikantit, të cilat, në zarf të mbyllur me vulë të Institucionit, i jepet studentit ose Pedagogut të ngarkuar për ndjekjen e praktikës, për ta dorëzuar në Departament;
5. Në përfundim të Praktikës studentit i përgatit e dorëzon në Departament Relacionin përmbledhës të Praktikës së kryer, duke e mbrojtur atë para një Komisioni të Vlerësimit të Praktikës të ngritur nga Departamenti.

Neni 7 **Strukturat Përgjegjëse**

Struktura përgjegjëse për ndjekjen e praktikës profesionale janë:

- a) Autoritetet drejtuese të Departamentit, Fakultetit.
- b) Komisioni i Vlerësimit të Praktikës;
- c) Pedagogu i ngarkuar për ndjekjen e praktikës;
- d) Mentori Profesional.



KREU III

DETYRIMET E INSTITUCIONIT DHE TË MENTORIT

Neni 8

Detyrimet e Institucionit

Institucioni i cili merr përsipër zhvillimin e praktikës mësimore duke caktuar një punonjës si Mentor Profesional gjithashtu institucioni pritës duhet të sigurojë që praktikanti të kryejë me sukses praktikën profesionale nëpërmjet:

1. krijimit të mundësive për praktikantin, në zbatimin e metodave bashkëkohore dhe interaktive;
2. zhvillimit të aftësive dhe shprehive të praktikantit përmes vëzhgimeve, këshillimeve, rekomandimeve, komenteve dhe aktiviteteve të ndryshme;
3. zhvillimit të detyrave sfiduese nga ana e praktikantit për të zgjeruar njohuritë e tij profesionale;
4. ecurisë e praktikës profesionale të praktikantit dhe rezultateve përfundimtare të tij;
5. njohjes së praktikantin me rregulloret e institucionit dhe me formatin e vlerësimit nga Mentori Profesional;
6. mbajtjes së raportit dhe vlerësimit prej Mentorit Profesional, duke shënuar e përshkruar në të veprimtarinë në orët e zhvillimit të praktikës, konstatimet dhe këshillat kryesore për seancat e vlerësimit të praktikantit;
7. plotësimit të fletë-vlerësimit të praktikantit për çdo orë vëzhgimi të planifikuar.

Neni 9

Detyrimet e Praktikantit

Praktikanti, gjatë periudhës së praktikës mësimore në institucionin e zhvillimit të saj, është i detyruar e duhet që:

1. të ndjekë programin e praktikës duke respektuar orarin dhe mjedisin e punës;
2. të ndjekë udhëzimet e Mentorit Profesional përkatës;
3. të respektojë kolegët e përgjegjësit e vëndit të punës;
4. të respektojë e zbatojë rregulloren e institucionit;
5. të ketë parasysh e respektojë rregullat e sigurise ne pune;
6. të ruajë konfidencialitetin e informacionit;
7. të respektojë mënyrën e sjelljes dhe etikën.



KREU IV VLERËSIMI I PRAKTIKANTIT

Neni 10

1. Në përfundim të Praktikës, ndjekjes së plotë të orëve e gjithë detyrimeve të saj, studenti:
 - a. dorëzon në zarf të mbyllur e me vulë nga Institucioni përkatës, Raportin e Vleresimit të përgatitur nga Mentori Profesional;
 - b. përgatit e dorëzon një Relacion përmbledhës të praktikës mësimore të kryer, duke përshkruar në të aktivitetet e proceset e ndryshme ku është aktivizuar e ka marrë pjesë, përfitimin tekniko-profesional që ka patur, etj.;
 - c. mbron para komisionit të provimit të praktikës mësimore, argumenta e tema nga praktika e zhvilluar në bazë edhe të Relacionit përmbledhës që ai ka paraqitur.
2. vlerësohet me note kaluese ose jo-kaluese, duke marrë parasysh :
 - a) Pjësimmarrjen aktive të tij gjatë frekuentimit të orëve të praktikës mësimore;
 - b) Rezultatit e vlerësimit sipas Relacionit nga Mentorit Profesional;
 - c) Rezultatit e vlerësimit të Relacionit të praktikës mësimore e të mbrojtjes se tijë përpara komisionit të provimit të praktikës se ngritur nga departamenti.
3. Vlerësimi i studentit bëhet me notë.
4. Studenti që nuk realizon Praktikën, përfshirë edhe procesin e mbrojtjes të saj brenda afatit të caktuar, i krijohet mundësia ta kryejë atë në një periudhë tjetër të përcaktuar nga Departamenti e Dekanati.

KREU V DISPOZITA TË FUNDIT

Neni 11

1. Praktika zhvillohet në Institucionet e caktuara nga Departamenti dhe Fakulteti.
2. Të drejtën e interpretimit të kësaj Regulloreje e ka Dekani i Fakultetit dhe Rektori i UST-së.
3. Kjo rregullore hyn në fuqi menjëherë.

